

Sakspapir

Sakshandsamar	Arkiv	ArkivsakID
Svein Helge Hofslundsengen	FE-024	19/365

Saknr	Utval	Type	Dato
034/2019	Formannskapet	PS	17.06.2019
	Kommunestyret	PS	

Sosialsatsar NAV Fensfjorden

Rådmannen sitt framlegg til vedtak:

- NAV Fensfjorden vil følgje statens rettleiande satsar for økonomisk stønad, med dei reguleringar som blir gjort årleg.
- Når det gjeld andre ytingar, får NAV fullmakt til å fastsette rutinar ut frå eit forsvarleg skjønn og kjennskap til kostnadsnivå i kommunane.

Saksopplysningar:

Bakgrunn/Fakta

Dei fem kommunane Fedje, Austrheim, Gulen, Modalen og Masfjorden er einige om å ha eit forpliktande samarbeid etter ein vertskommunemodell. Masfjorden kommune er satt til å være vertskommune for dette samarbeidet og utbetalingane vil skje gjennom Masfjorden sitt økonomikontor og så vil ein krevje refusjon frå ei andre kommunane for innbyggjarar i andre kommunar. Dei fem kommunane hadde til ein viss grad ulikskap på stønadsnivå. Vi har satt ned ei arbeidsgruppe samansett av sakshandsamarar frå alle kontora for å få til likebehandling i NAV Fensfjorden og felles forståing av lov og regelverk på området. I forslaget skil vi mellom lovbestemte ytingar til livsopphald i Sosialtenestelova § 18 og ytingar i særskilte høve etter Sosialtenestelova § 19. I dei sistnemnde sakene er størrelsen på ytinga underlagt skjønnsutøving med utgangspunkt i faktiske behov. NAV har både ei rett og ei plikt til å utøve skjønn i kvar enkelt sak når vi yter ein stønad. Satsane er såleis rettleiande. Ein tilrår at NAV Fensfjorden følgjer staten sine satsar. Desse blir revidert årleg i høve løns, pensjons og kostnadsutvikling i landet.

Statleg rettleiande månads-sats 2019:

Einslege	kr 6 150
Ektepar/Sambuarar	kr 10 250
Person i bufellesskap	kr 5 150
Barn 0-5 år	kr 2 400
Barn 6-10 år	kr 3 050
Barn 11-17	kr 4 000

Desse satsane skal dekke utgifter til mat, klede, sko, vanlege hushaldningsutgifter til personleg hygiene og reinhald , daglege reiseutgifter og forsikringar. I tillegg kan ein etter søknad få støtte til etablering, husleige, straum, stønad ved høgtider og dåp/namnedag/konfirmasjon, fødselsdagsmarkeringar (eigen og veners), tv/internett/media, barnehage/sfo, skulestart, aktivitetar for barn, samværstillegg, lege/medisin, reiseutgifter/ bilutgifter og tannbehandling. Det kan også i særlege tilfelle gis hjelp til midlertidig bustad og naudhjelp. Dette er utgifter der ein har ein skjønnsutøving i kvar enkelt sak og det er difor problematisk å fastsette satsar for kor mykje ein skal gje i kvart enkelt tilfelle.

Vurdering/konklusjon

NAV Fensfjorden vil følgje statens rettleiande satsar for økonomisk stønad, med dei reguleringar som blir gjort årleg.

Når det gjeld andre ytingar, får NAV fullmakt til å fastsette rutinar ut frå eit forsvarleg skjønn og kjennskap til kostnadsnivå i kommunane.

Formannskapet - 034/2019

FS - behandling:

Saka vart drøfta.

Framlegg til vedtak vart samrøystes tilrådd til kommunestyret.

FS - vedtak:

- NAV Fensfjorden vil følgje statens rettleiande satsar for økonomisk stønad, med dei reguleringar som blir gjort årleg.
- Når det gjeld andre ytingar, får NAV fullmakt til å fastsette rutinar ut frå eit forsvarleg skjønn og kjennskap til kostnadsnivå i kommunane.